

1/ Thakthabth n-tsejara n-Sidna Aisa elMasih emmi-s n-Daoud, emmi-s n-Ibrahim. Ibrahim idja-d Ishaq; Ishaq idja-d Yaqoub; Yaqoub idja-d Yahouda d-ouaithma-s. Yahouda idja-d Farec d-Zarah g-Thamar; Farec idja-d Hasroun; Hasroun idja-d Aram.

Aram idja-d Aminadab; Aminadab idja-d Nahchoun; Nahchoun idja-d Salmoun. Salmoun idja-d Bouaz g-Rahab; Bouaz idja-d Aoubid g-Raaouth; Aoubid idja-d Iassa.

Iassa idja-d Daoud essultan; Daoud essultan idja-d Seliman g-thin illan tsemettouth Ouria.

Seliman idja-d Rahbam; Rahbam idja-d Abia; Abia idja-d Asa.

Asa idja-d Ihouchafat; Ihouchafat idja-d Youram; Youram idja-d Azzia.

Azzia idja-d Youtham; Youtham idja-d Ahaz; Ahaz idja-d Heziqia.

Heziqia idja-d Manasa; Manasa idja-d Amoun; Amoun idja-d Youchia.

Youchia idja-d Iakounia d-ouaithma-s g-zeman n-nefou rer Babil.

Bad nefou rer Babil Iakounia idja-d Chaltiil; Chaltiil idja-d Zaroubabel.

Zaroubabel idja-d Abihoud; Abihoud idja-d Aliaqim; Aliaqim idja-d Azour.

Azour idja-d Cadouq; Cadouq idja-d Akhim; Akhim idja-d Alioud.

Alioud idja-d Aliaazar; Aliaazar idja-d Mattan; Mattan idja-d Yaqoub.

Yaqoub idja-d Yousef argaz m-Mariama g-id-iloul Aisa itsousemman elMasih.

Ellan ihi s-ljemla rebatach l-Idjilath g-Ibrahim armi d-Daoud, rebatach

l-Idjilath g-Daoud armi d-nefou rer Babil, rebatach l-Idjilath g-nefou armi d-elMasih.

Ma ella tsalalith n-Sidna Aisa elMasih akka ai thetra: Mariama imma-s thtsouakhteb i Yousef, thtsouaf s-thadisth s-Errouh elQouddous qebel ad-ilin louahid.

Yousef argaz is, illan d-argaz iselahen, our ibra ra ad-iaoui fell-as lar, iaoul as-iberrou s-thouffra.

Netsa mazal itskhemmim f-Ihouaidj ayi, imi s-idheher lmelk r-Rebbi g-thargith, inna-ias: A Yousef, emmi-s n-Daoud, our tsaggouad ara atsaouit ror-ek Mariama tsamettouth ik, alakhater lhamila-s thekka-d g-Errouh elQouddous.

Ad-tsarou emmi-s, as-thsemmit Isoua (Inselemen qaren-as Sidna Aisa); imi d-netsa ara-iselleken loumaines g-denoubath ensen.

Ouayi aokith itra akken ara-ikemel ouain id-ikhebber Rebbi s-iles ennebi, imi d-inna.

Atsaia thaqchichth atserfed thadisth, ad-tsarou emmi-s as-semmin Ammanouil, tseftsir-is (Imana-s): Rebbi did-nar.

Mi-d-idekoul Yousef, ikhedem ain is-inna lmelk r-Rebbi, iououi ror-es thamettouth is.

Lakin our tsissin ara, armi d-tsourou emmi-s amenzou, isemma-ias s-isem lasoua.

/2 Mi d-iloul Sidna Aisa g-Bithlham g-themourth l-IHoudia, g-zeman Sultan Hiroudous, ousan-d mechiakh gCherq rer Thamdints elQouds.  
Ennan: Anida illa ouin id-iloulen d-Sultan Oudaien? Alakhater nezra ithri ines g-Cherq, nousa-d ansedjed zath-es.